

SARS vra om verskoning aan belastingpligtiges

Tshwane, 25 Oktober 2023 - Die Suid-Afrikaanse Inkomstediens (SARS) strewe daarna om altyd belastingpligtiges se wetlike verpligtinge uit te klaar en hulle daaraan te herinner. Nieteenstaande die wetlike mandaat van SARS om teen belastingpligtiges wat hulle plig versuim op te tree word dit oor die algemeen verwag dat ons belastingpligtiges eers daaraan herinner en hulle die geleentheid bied om hulle verpligtinge na te kom, voordat SARS na vervolging oorgaan. Die SMS-boodskap wat vroeër vandeeweek uitgestuur is, ten opsigte van uitstaande opgawes, kom nie die hoë professionele standaard na wat ons graag wil voorhou nie. SARS vra daarom opreg om verskoning vir die wyse waarop dit hanteer is, die frustrasie wat dit eerlike belastingpligtiges mag veroorsaak het, en enige ongerief veroorsaak.

Die voorgename boodskap was bedoel as opregte en behulpsume herinnering aan belastingpligtiges om verskuldige belastingopgawes in te dien en sodoende hulle wetlike verpligtinge na te kom. Meeste belastingpligtiges is eerlik en waardeer gewoonlik sulke herinneringe. Eerlike belastingpligtiges moenie deur SARS bedreig voel nie, maar ongelukkig het die wyse waarop hierdie boodskap opgestel was, sodanige effek gehad. Die boodskap verwys ongelukkig na die vervolging van belastingpligtiges vir die versuim van indiening van hulle opgawes, soos hulle wetlik verplig is om te doen. Hoewel SARS wetlik gemagtig is om alle belastingpligtiges, wat steeds by SARS geregistreer is, van hulle wetlike verpligting om die toepaslike opgawes teen die toepaslike sperdatums in te dien, te herinner, neem SARS nie regsstappe voor skakeling met belastingpligtiges nie.

Dit dra waarde om te noem dat daar van 'n maatskappy verwag word om 'n opgawe in te dien wanneer dit die volgende voorwaardes nakom:

- (i) bruto inkomste van meer as R1 000 afgelei het;
- (ii) bates gehad het wat meer as R1 000 gekos het of laste van meer as R1 000, ter enige tyd, gehad het;
- (iii) enige kapitale wins of verlies van meer as R1 000 afgelei het uit die wegmaking van 'n bate ingevolge die agtste bylaag van die Wet op Inkomstebelasting; en/of
- (iv) belasbare inkomste, belasbare omset, 'n aangeslane verlies of aangeslane kapitaalverlies gehad het.

Belastingpligtiges wat die bogenoemde voorwaardes nakom, moet opgawes indien. Ongelukkig word SARS se herinnerings deur sommige belastingpligtiges geïgnoreer, wat beteken dat hulle situasie eskaleer tot mates waar regsstappe vereis mag word. Selfs dan word hulle aan hulle verpligting, om uitstaande opgawes in te dien, herinner.

SARS het intussen die SMS'e teruggehou. In hierdie verband, wil SARS graag belastingpligtiges herinner dat dit hulle wetlike verpligting bly om te verseker dat hulle belastingsake geregulariseer word, indien dit nie in orde is nie. SARS sal op die toepaslike tyd met belastingpligtiges skakel ten opsigte van uitstaande opgawes.

Ons benadruk dat belastingpligtiges wat volhou om herinnerings te ignoreer en versuim om hulle belastingsake ingevolge die wet te regulariseer uiteindelik sal moet antwoord gee op hulle volgehoue nienakoming.

Laastens waardeer SARS die poging van eerlike belastingpligtiges wat hulle verpligtinge ywerig nakom. Ons waardeer julle waardevolle bydraes tot die belangrike werk wat op ons skouers rus.

Vir meer inligting, kontak asseblief SARS by SARSMedia@sars.gov.za.